

ВКП(б)-лэн Сюмси Райкомезлэн но Райсоветлэн органы

Военной дыр чожелы калыклясь сельскохозяйственной налог но подоходной налог борды ог вадеслы ватсаса тырыны тупатон сярсы

**СССР-лэн Верховной Советэзлэн Президиумезлэн УКАЗЭЗ**

СССР-лэн Верховной Советэзлэн Президиумез пунктэ:

1. 1941 арысен куткыса тупатонно военной дыр чожелы сельскохозяйственной налог борды ог вадеслы ватсаса тырон — тырыны сётэм налоглэн суммаезлы 100 процент тыр.

2. Колхозник'ёслэн но единоличник'ёслэн хозяйствосылы, кытчы пыро действительной военной службе басытэм'ёс но Красной Армии но Военно-Морской Флотэ мобилизация басытэм граждан'ёс, сётонно та'че льготытаосты:

колхозник'ёслэн но единоличник'ёслэн хозяйствосы, куд'ёсызлэн семьяосазы луо кык но солэсь 50 военнослужащий'ёс, быдэсак мозмыт'ёско ватсаса тыронлэсь; колхозник'ёслэн но единоличник'ёслэн хозяйствосы, куд'ёсызлэн семьяосазы вань одйг военнослужащий тыро ватсан 50 процентлы кулэсэн.

3. 1941 арлэн 1 июльсеныз тупатонно населенилэсь подоходной налог борды ог вадеслы ватсан (та Указлэн 4 статьяз верам граждан'ёс сяна) та'че размерен:

Рабочий'ёслэсь но служащий'ёслэсь но соослы приравнять карем плательщик'ёслэсь 300 манетлэсь вылтй но 500 манетозь толэзем уждунзы дыр'я—50 процентсэ тырыны сётэм налоглэн суммаез борды;

500 манетлэсь вылтй толэзем уждун дыр'я—100 процентсэ тырыны сётэм налоглэн суммаез

борды. Рабочий'ёс но служащий'ёс (но соослы приравнять карем плательщик'ёс), куд'ёсызлэн уждунзы 300 манетлэсь мултэс уг луы, быдэсак мозмыт'ёско подоходной налог борды ватсаса налог тыронлэсь; Мукет граждан'ёс, куд'ёсыз облагаться кариско подоходной налогом,—100 процентсэ тыроно луо сётэм налоглэн сумаез борды.

4. Граждан'ёслы, куд'ёсыз арлыдызя подлежать каро Красной Армии но Военно-Морской флотэ действительной военной службе яке мобилизация призыве, но куд'ёсыз мобилизовать каремын овёл яке мозмытэмын призывлэсь, подоходной налог борды ватсан тупат'ёске та'че размер'ёсын:

рабочий'ёслэсь но служащий'ёслэсь (но соослы приравнять карем плательщик'ёс) 300 манетозь толэзем уждун басытон дыр'я—100 процентсэ;

300 манетлэсь вылтй 500 манетозь толэзем уждун басытон дыр'я—150 процентсэ;

500 манетлэсь вылтй уждун дыр'я—200 процентсэ.

Мукет граждан'ёслэсь, куд'ёсыз облагаться кариско подоходной налогом,—200 процентсэ.

5. Рабочий'ёслэсь но служащий'ёслэсь (но соослы приравнять карем плательщик'ёслэсь) та Указ'я тупатэм ватсаса подоходной налог нырысэ тыронэз ортытоно 1941 арын июль толэзьлэн кыктэти жыныез понна уждун тыронысь.

СССР-лэн Верховной Советэзлэн Президиумезлэн Председателез М. НАЛИНИН.  
 СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль, 3 июле 1941 арын.

**Обороналы вань кужымез**

Кильмезской леспромкомбинатлэн управлениез лэн, сплавной конторалэн, леспродторглэн, лесхозлэн во лесной школалэн коллектив'ёссы но домохозяйкаос обороналэн государственной комитетэз лэн, Председателезлэсь Сталин эшлэсь речсэ кылзыса заявить каризы:

„Обороналэн Государственной Комитетезлы ми

оскытыськом,—шуизы милям коллективмы вань аслэсьтыз ужзэ нуоз обороналэн интересэзлы пыртыса, вань аслэсьтыз кужымэз но энэргизэ берыктоз трудлэсь производительностьэз жутоны но тушмонэз быдтонлы. Если кулэ луиз ке, ми сётон асьмелэсь улонмес—отечество понна, Сталин понна.“

**Советской информбюролэн ивортэмысьтыз**

9 июле потон уй чоже бадзымесь боевой действиос мынйзы Полоцкой, Лепельской но Новоград-Вольнской направлениосын.

Островской направлениын асьме войскоос басытэм позициосазы юн интыясыкызы но уин поиск'ёсты кужмо нуизы.

8 июль ортchon азелы жугиськон'ёс паськытазы Себежской направлениын. Отын противниклэн танковой но пехотной часть'ёсыз восток пала азыланьскыны туртско вал. Жугиськон'ёс мыно.

Полоцкой направлениын кужмо но лек жугиськон'ёс мынйзы Борковичи но Улла район'ёсын. Та жугиськон'ёс дыр'я асьме войскоос, короткой контрудар'ёс лэсьтыса, противниклэсь трос кужым'ёссэ быдтйзы.

Лепельской направлениын асьме войскоос, противниклы удар лэсьтыса, солэсь кык моторизованной полкэз пазыгызы, 4 тяжелой но 3 легкой батареяоссэ но трос противотанковой орудияоссэ быдтйзы. Противник, жугиськон интые трос бырем мурт'ёссэ кельтыса, запад пала кошкыз.

Новоград-Вольнской направлениын асьме войскоос вискарытэк но кужмо жугиськон'ёс нуизы противниклэн танковой но моторизованной часть'ёсызлы пумит, противниклэсь та часть'ёссэ восток пала мыныны лэзьытэк.

Фронтлэн мукет'ёсаз направлениосаз но участок'ёсаз уй куспын бадзымесь боевой действиос оз мынэ.

Асьме авиация противниклэн мотомехчасть'ёсызлы удар лэсьтйз Островской, Лепельской но Новоград-Вольнской направлениосын, озы ик противниклэн авиацияезлы солэн аэродром'ёсыз вылын удар лэсьтйз.

9 июле потон уин противниклэн аэродром'ёсыз вадьсын уин ортчем действиос но омырын жугиськон'ёс дыр'я асьме авиация Лепельской, Борисовской но Бобруйской направлениосын гинэ противниклэсь 62 самолет'ёссэ быдтйз. Асьме авиациялэн 7 самолет'ёсыз ыштэмын.

Уточнить карем данной'ёс'я, 8 июле асьме авиация, аслэсьтыз 10 самолет'ёссэ ыштыса, противниклэсь 102 самолет'ёссэ быдтйз.

Нюлэскысь адскизы тушмон танк'ёс. Н-ской частьлэн батареяезлы приказать каремын вал танк'ёслэсь атаказэс отбить карыны. Танк'ёсты матэвуыны лэзьыса, батарея туж кужмо ыбылыны кутскиз. Тужгес ик кужмо вис'ясыкыз орудийной наводчик Ибрагимов. Со быдтйз 11 танк'ёсты, куд'ёсыз пöлын куинез тяжелой танк'ёс луо. Фашист'ёс та нуналэ, ваньзэ вераса, Н-ской батареялэн участказ ыштйзы 64 танк'ёссы пöлысь 27 танк'ёссэс. Тросэзлэн сöрылэм вражеской танк'ёслэн экипаж'ёссы пумит'ясыкытэк сётскизы.

Шöдтэк шорысь удар лэсьтыса, одно ик кулэ вал Ф. местечко дорысь выжез басытыны но противниклэсь кошкон сюрессэ чоктаны. Та заданиез быдэстон сётэмьин вал Нестерев, Бережной но Еременко старшой лейтенант'ёслэн подразделениоссылы. Боец'ёс та выж доры уин лушкэм гинэ лыктйзы но шашыос пöлы выдйзы. Татын соос быдэс сутка чоже кыллизы. Чукаезаз куазь пеймыт луыны кутскыку, та выжез басытон штурм кутскиз. Номыре подозревать каристэм немецкорумынской солдат'ёс, оружиэс куяса, берлань кошкызы. Выж пуштытэмын вал.

8 июле 4 часэ чулна Чудской озеролы 120 километр кемьн „Ю—88“ куинь немецкой бомбардировщик'ёс, вань бомбоссэс озерое куштыса, советской аэродром вылэ пуксызы. Истребительной батальонлэн боец'ёсынызы кутэм летчик'ёс асьэ лэсь советской войскоос пала лобзыса потэмзэс валэктйзы. Советской Россиялы пумит воевать карыны мылпотымтэенызы. Экипажлэн член'ёсыз пöлысь одйгез стрелкорадист К. вераз, что германской армиясь пегзон сярсы бомбардировщик'ёслэн звенозылэн экипаж'ёсызлэн малпанзы войналэн нырысетй нуналаз ик кылдйз. Озы ке но советской войскоос пала лобзыны луонлык 8 июле гинэ кылдйз. Штурман Ш. вераз троссэ сы'че факт'ёсты, куд'ёсыз возматэ, что германской войскоос

лэн летной составзы пöлын чик популярнойтэм луэ Советской Союзлы пумит нуиськысь война. СССР-лы пумит нуиськысь войнаны пумит мылкыд'ёс тужгес ик кужмоязы та берло нунал'ёсы, ку немец'ёс пумискизы не только регулярной советской войскоослэн нимысьтыз кужыменызы, но гражданской калыклэн пумит'ясыкемынызы но.

Борисовской направлениын Н-ской танковой часть быдтйз кык немецкой батареяосты но пленнэ басытйз артиллерист'ёслэсь группазэс. Соослэсь шедьтэм документ'ёсысь тодмо луиз, что та батареяос западной фронтэсь ваемын. Артиллериялэн пленной германской офицераз Людвиг В. вераз: „Берло 8 толэзьёс чоже мынам артиллерийской части Шербургын улйз. Россиялы пумит война кутскытозь кöня ке нунал азыло милемды эшелонэ пуктылйзы но келязы, кызы со бöрысьгес тодмо луиз, советской граница доры“. Пленной'ёслэсь допрос лэсьтыса, интересной деталь тодмо луиз. Эшелонэ пуктылонзы дыр'я батареяос интые бутафорской пушкаос пуктылйзы. „Фронтэ, — шуэ Людвиг, — ми вуимы 23 июне понедельнике, ку военной действиос кутскемын вал ини. Татын мон пумиськи аслам вуж эш'ёсыным артиллгрист'ёсын Генрих Ц. капитанэн но Отто Ф. лейтенантэн, куд'ёсыз кöня ке нунал гинэ талэсь азыло Дюнкеркын уло на вал. Русской'ёслы пумит мон кема воевать ой кары“.

Кутылыны шедисьтэм советской партизан'ёслэн группаоссылы пумит фашистской захватчик'ёс кужымтэм луо. Германской часовой'ёслы приказать каремын ыбылыны котькудзэкин телеграфной юбоос доры матэ лыктоз. Алигес П. село дорын фашист'ёс эскерыны кутскизы вооруженной партизан'ёслэсь группазэс. Та партизан'ёс ез'ёсты вандылыны туртско вал. Партизан'ёс, солдат'ёсты узатыса, нюлэскы кошкызы, возьман объектэз кыдэке кельтыса, пегзызы. Немец'ёс татчы берытскем. зы бере адзызы, что линия одно ик куашкатэмын. Ез'ёсты быдтйз партизан'ёслэн кыктэтиез группазы.

